

御纂醫宗金鑑卷二十一

訂正仲景全書金匱要畧註中之二

痰飲欬嗽病脈證并治第十三

夫病人飲水多必暴喘滿凡食少飲多水停心下甚者則悸微者短氣脈雙弦者寒也皆大下後裏虛脈偏弦者飲也

按

此條微者短氣之下古本有脈雙弦者寒也等句文義不屬當另分爲一條在後

註

凡病人食少飲多小便利者爲消渴病小便



北京中医药大学图书馆版权所有

御纂醫宗金鑑卷二十一

訂正仲景全書金匱要略註中之二目錄

痰飲欬嗽篇第十三

小半夏加茯苓湯

小半夏湯

五苓散

茯苓桂枝白朮甘草湯

甘遂半夏湯

厚朴大黃湯



防已椒目葶藶大黃圓

十棗湯

大青龍湯

小青龍湯

木防已湯

木防已加茯苓芒消湯

澤瀉湯

茯苓桂枝五味甘草湯

茯苓五味去桂加乾薑細辛湯



北京中醫藥大學圖書館藏
1964

苓桂五味甘草去甘草桂加乾薑細辛半夏湯

苓甘五味加薑辛半夏杏仁湯

苓甘五味加薑辛半夏大黃湯

消渴小便利淋篇第十四

豬苓湯

文蛤散

栝蒌瞿麥圓

蒲灰散



滑石白魚散

茯苓戎鹽湯

水氣病篇第十五

枳實白朮湯

桂枝去芍藥加麻黃細辛附子湯

越婢湯

防己茯苓湯

越婢加朮湯

甘草麻黃湯



麻黃附子湯

杏子湯

黃耆芍藥桂枝苦酒湯

桂枝加黃耆湯



御纂醫宗金鑑卷二十一

訂正仲景全書金匱要畧註中之二

痰飲欬嗽病脈證并治第十三

夫病人飲水多必暴喘滿凡食少飲多水停心下甚者則悸微者短氣脈雙弦者寒也皆大下後裏虛脈偏弦者飲也

按

此條微者短氣之下古本有脈雙弦者寒也等句文義不屬當另分爲一條在後

註

凡病人食少飲多小便利者爲消渴病小便



不利者爲留飲病留飲者卽今之停水飲病也若水停上焦胸中則壅肺氣不得降故喘滿也若水停中焦心下甚者則凌心故悸動不安微者則礙肺故病呼吸短氣若水停下焦少腹則不輸膀胱故必苦裏急也仲景于此但言上中二焦不及下焦者非畧之也謂已詳於傷寒論中也

集註

程林曰飲水多則水氣停泛於胸膈必暴喘滿也凡人食少飲多則胃土不能游溢精氣

甚者必停於心下而爲悸微者則阻於胸膈而爲短氣也

先渴後嘔爲水停心下此屬飲家小半夏茯苓湯主之

註

水停心下中焦部也中焦屬胃故不止病悸

短氣而亦病嘔也病悸短氣者是水停胃外

從膈下而上干於胸也病嘔者是水停胃內

從胃中而上越於口也然必先渴飲水多而

後作嘔者方屬飲家嘔病也主小半夏湯者



以止嘔也加茯苓者以飲水多而病嘔故兼利水也

集註

魏荔彤曰水停心下阻隔正氣不化生津液

上於胸咽故渴也渴必飲水水得水而愈恣其衝逆所以先渴而後必嘔也此屬飲家當治其飲不可以爲渴家治其渴也治飲則用辛燥治渴必用寒潤大相逕庭可不明其屬於何家而妄治之乎

尤怡曰先渴後嘔者本無嘔病因渴飲水水



北京中医药大学图书馆版权所有

多不下而反上逆也故曰此屬飲家小半夏

止嘔降逆加茯苓去其停水

小半夏加茯苓湯方

半夏 一升

生薑 半觔

茯苓 三兩

右三味以水七升煮取一升五合分溫再服
嘔家本渴渴者爲欲解今反不渴心下有支飲故
也小半夏湯主之

註
飲家渴者是水停氣不化生津液而渴也嘔



家渴者是嘔吐胃乾燥傷津液而渴也故曰
嘔家本應渴也先嘔後渴者當少少與飲
以和胃生津爲欲解也若嘔吐後反不渴者
是必心下素有支飲故也惟主小半夏湯止
嘔而不加茯苓者以不渴竝無新飲且嘔後
已傷津液不可再行利水重竭津液也

集註

李彭曰此專以治嘔言嘔家渴者爲欲解以
胃氣復而津液生也若心下素有支飲則不
燥自當不渴泛溢而嘔也半夏生薑溫能和



胃氣辛能散逆氣爲嘔家聖藥

小半夏湯方

半夏 一升

生薑 半觔

右二味以水七升煮取一升半分溫再服

集解

沈明宗曰此支飲上溢而嘔之方也凡作嘔

必傷津液應當作渴故爲嘔家本渴渴則病
從嘔去謂之欲解若心下有支飲停蓄胸膈
致燥故嘔而不渴則當治飲所以生薑散邪
半夏滌飲嘔自止矣



卒嘔吐心下痞膈間有水眩悸者半夏加茯苓湯主之

註

卒然嘔吐雖然不渴而心下痞塞是膈間有水凝結也眩者是水阻陽氣不升也悸者是水氣上干於心也卽不渴無新飲而平日飲盛可知則不必顧及津液亦必加茯苓以利水斯結可開而阻可通也

集註

趙良曰心下痞膈間有水眩悸者陽氣必不宣散也經云以辛散之半夏生薑皆味辛本



草半夏可治膈上痰心下堅嘔逆眩者亦上
焦陽氣虛不能升發所以半夏生薑並治
悸則心受水凌非半夏可獨治必加茯苓
水下腎逆以安神神安則悸愈也

尤怡曰飲氣逆於胃則嘔吐滯於氣則心下
痞凌於心則悸蔽於陽則眩半夏生薑止嘔
降逆加茯苓去其水也

半夏加茯苓湯方 見前

假令瘦人臍下有悸吐涎沫而癰眩此水也五苓



散主之

按

瘦人之瘦字當是病字癰眩之癰字當是

字巔者頭也文義相屬此傳寫之譌

註

悸者築築然跳動病也上條心下有悸是水

停心下爲病也此條臍下有悸是水停臍下

爲病也若欲作奔豚則爲陽虛當以茯苓桂

枝甘草大棗湯主之今吐涎沫水逆胃也巔

眩水阻陽也則爲水盛故以五苓散主之也

五苓散方



澤瀉

一分兩

猪苓

三分
去皮

茯苓

三分

白朮

三分

桂

二分
去皮

右五味爲末白飲服方寸七日三服多飲煖

水汗出愈

夫短氣有微飲當從小便去之苓桂朮甘湯主之
腎氣丸亦主之

註

水停心下甚者病悸已明其治矣微者短氣
其治有二氣虛短氣是氣少不能長息而短

